

大名府志

110130.121

134

部=14

建設總
署收藏
圖書之章

咸豐三年鐫

大名府志

府庫藏板

大名府志卷之十八目錄

藝文記

魏滑分河記

沈亞之

河防記畧

歐陽元

黃陵司塞河記

劉健

河運記畧

馬秉德

澶州頓邱縣重修縣治記

江休復

新建州治記

朱訥

鄧侯創立縣治記

陳進

兵備道記

張璧

大名府志

卷之十八 目錄

一

開州察院記

楊守誠

大名府清軍廳記

三之輔

大閱堂記

梅華

大廳記

趙世長

滑州節堂記

劉三復

白馬縣盡心堂記

李升

鎮寧堂記

王崇慶

湛思堂記

王廷諫

新作射圃記

楊祐

大名府題名記

金賢

清豐縣令題名碑記

尹應元

題名碑記

顧簡功

贊政廳題名小記

張師繹

開州署題名記

宋訓

大名府重修廟學記

李東陽

重修大名府儒學記

董復亨

元城縣修學碑記

崔銑

重修儒學碑記

鼂琛

重修大名縣儒碑記

黎淳

張候修學記

王華

大名府志

卷之十八 目錄

二

大名縣重修儒學記

李養正

重修大名縣學碑記

成克鞏

魏縣重修廟學并建尊經閣記

王錫爵

重修南樂縣儒學記

魏允貞

清豐縣新修孔子廟記

鼂補之

內黃學夫子廟堂記

程浩

重修廟學記

胡祇通

重修廟學記

王越

重修儒學記

焦竑

濬縣重修學記

宋訥

修文廟記

趙夷簡

滑縣修學記

宋訥

魏縣新建尊經閣記

許國

重修尊經閣碑記

宗琮

明倫堂記

吳炳

衛縣宣聖廟創建講堂記

高孔禮

開州建廟學明倫堂記

王鼎

開州大成廟神主記略

張楨

祭器記

潘迪

重復天雄書院碑記

成克鞏

大名府志

卷之十八 目錄

三

元城書院造士記

楊維聰

黎公書院記

汪偉

崇義書院記

張以學

明道書院記

劉龍

募修明道先生書院序

吉贊

新建義學記

龔纓

義學記

王培宗

義學記

馬大士

陰陽醫學記

閻禹錫

學出規約

楊守誠

濬縣學田記略

郝瀛

日新齊朔置學記略

華可瞻

黃侯均田記

呂時中

鍾公均瓦岡田記

袁和

均田記

張寰

鰥荒記

孫榮

糧地足額碑記

楊輝斗

滑縣田糧記

王璜

申明隱地減徵災糧記

邱東昌

義田記

李思孝

大名府志

卷之十八 目錄

四

重建義倉記

方元啟

創建屯子鎮常平倉記略

郝瀛

建常平義倉記

孫榮

滑州新驛記

李勉

附錄碑陰

崔祐甫

建輓城記

卜世昌

清豐縣修城記

呂時中

濬縣築城記

劉瑞

陸侯保障碑記略

高尙志

重修城池記略

趙建極

滑縣新修南門記

林樹聲

邑侯楊公重修甌城碑記

盧毓粹

重修開州城記

鼂璫

北臯堡城記略

薛煥

沙口堡城記

申旌

填寶城市記

余珊

西鄉墻濠記

孫榮

青楊古道記

顧咸泰

飲牛口新開官渠記

鼂璫

修堤碑記

成靖之

大名府志

卷之十八 目錄

五

蔣公堤記

王居建

重修護城隄記

穆文熙

小灘鎮廣濟橋碑記

徐溥

重修樂清石橋記

楊守誠

重建雲溪橋記略

王璜

濬縣重修康川橋記

劉德新

重修長豐泊礮礮橋記略

失名

翠浮橋記

趙延瑞

東關石橋記

石星

南關石橋記

盧學禮

重修玉帶橋記

楊日昇

重建風雲雷雨山川壇記

顧清

修八蜡廟記

宗琮

大名府重修城隍廟碑記

李養正

創建城隍廟記

陳具慶

重修城隍廟記

魏允中

重修城隍廟記

蘇民望

東嶽廟記

輔惟良

重修東嶽祠記

石星

重修北門真武廟記

徐滿

大名府志

卷之十八 目錄

六

河侯祠記

裴處權

江瀆廟祈雨靈應記

王謙

江瀆神祠感應記

杜志觀

重修龍王廟記

黃深

朱侯重修龍王廟記

張伯琥

龍王廟記

張圖南

堯祠記

白敏中

蘧伯玉祠堂記

劉矩

重修蘧伯玉廟記

邵永春

河內公祠堂記

杜仁傑

重修黎公祠堂記

穆孔暉

重建莊子觀碑記

楊日昇

重修義勇武安王廟記

史褒善

滑縣關帝廟記

胡權

重修東公祠碑記

張孔孫

隋孝子張公祠記

呂時中

浮濟王祠記

黃沔

顯靈王廟記

黃垣

四賢祠記

張瀚

建忠孝祠碑記

王世貞

大名府志

卷之十八 目錄

七

重修忠孝祠碑記

塗時相

郭忠烈祠記

王景彰

重修忠孝祠記略

任養心

名宦鄉賢祠記

陳沂

鄉賢祠記

王越

邑侯張公遺愛祠記

穆文熙

婦姑祠記

崔尙義

大名府志卷之十八

藝文

記

魏滑分河記

沈亞之

元和八年秋水大至滑河南瓠子堤溢將及城居民
大駭帥恐出視水逆流西南行思欲以救其患亦頗
聞故有分河之事言其水嘗導出黎陽傍帥以其功
尚可跡於是遣其賓裴引泰請於魏曰河經地而東
滑最大自洛以西百流皆集於滑而春秋隄防不爲
固此將軍所明知也切以黎陽西南其廻壩抗流以

大名府志

卷之十八

藝文

一

生衝激之力誠願波以派於斯幸分其威耳今秋雨
連久不問洛滑以西雄川峻谷暴發之水爭怒以走
會卽河勢日夜益忙恐一旦城郭無賴謹聽命於將
軍魏帥許之其將卒吏民更請曰患難近也况滑得
水禍於天久矣魏何戚乃許移於已哉帥曰民前聽
所語是黎陽與滑俱帝土否耶設人有不幸於水火
而望救於四海道路之人凡見其苦者皆爲舉手寧
有不戚者夫全大以棄細順理也且滑壁卒數萬人
民不安生未知其賴吾安敢以河鄙咫尺之地爲專
惜乎顧桑麻五穀之出不能賑百戶假如水能盡敗

黎陽尚不足愛况其無有民何患無土以食因召吏趨籍民地所當奪者盡以他地與之籍奏天子天子嘉其奏而以明年春滑鑿河北黎陽西南役卒萬人間流二十里復會於河其墾田凡七百頃皆歸屬河南夏六月魏使楊茂卿授地滑帥令陳酒樂於浮河新渠是日亞之以客得與聞故悉其事於兩帥之賓

河防記畧

歐陽元

至正四年夏五月大雨二十餘日黃河暴溢水平地深二丈許北決白茅堤六月又北決金堤並河郡邑濟寧單州虞城碭山金鄉魚臺豐沛定陶楚邱城武大名府志

卷之十八 藝文

二

以至曹州東明鉅野鄆城嘉祥汶上任城等處皆罹水患民老弱昏墊壯者流離四方水勢北侵安山沿入會通運河延袤濟南河間將壞兩漕司鹽場妨國計甚重省臣以聞朝廷患之遣使體量仍督大臣訪求治河方畧九年冬脫脫旣復爲丞相慨然有志於事功論及河決卽言於帝請躬任其事帝嘉納之乃命集羣臣議廷中而言人人殊惟都漕運使賈魯昌言必當治先是魯嘗爲山東道奉使宣撫首領官循行被水都邑具得修捍成策後又爲都水使者奉旨詣河上相視驗狀爲圖以二策進獻一議修築北堤

以制橫潰其用功省一議疏塞并舉挽河使東行以復故道其功費甚大至是復以二策對脫脫璉其後策議定乃薦魯於帝大稱旨十一年四月初四日下詔中外命魯以工部尚書爲總治河防使進秩二品授以銀印發汴梁大名十有三路民十五萬人廬州等戍十有八翼軍二萬人一切從事大小軍民咸稟節度便宜興繕是月二十二日鳩工七月疏鑿成八月決水故河九月舟楫通行十一月水土工畢諸埽諸堤成河復故道南匯於淮又東入於海帝遣臣報祭河伯召魯還京師論功超拜榮祿大夫集賢大學士其宣力諸臣遷賞有差賜丞相脫脫世襲荅剌罕之號特命翰林學士承旨歐陽元制河平碑文以旌勞績元旣爲河平之碑又自以爲司馬遷班固記河渠溝洫僅載治水之道不言其方使後世任斯事者無所考則乃從魯訪問方畧及詢過客質吏牘作至正河防記欲使來世罹河患者按而求之其言曰治河一也有疏有濬有塞三者異焉釃河之流因而導之謂之疏去河之淤因而深之謂之濬抑河之暴因而扼之謂之塞疏濬之別有四曰生地曰故道曰河身曰減水河生地有直有紆因直而鑿之可就故道

故道有高有卑高者平之以趨卑高卑相就則高不壅卑不瀦慮夫壅生潰瀦生理也河身者水雖通行身有廣狹狹難受水水益悍故狹者以計闢之廣難爲岸岸善崩故廣者以計禦之減水河者水放曠則以制其狂水隳突則以殺其怒治堤一也有剗築修築補築之名有刺水堤有截河堤有護岸堤有縷水堤有石船堤治埽一也有岸埽水埽有龍尾攔頭馬頭等埽其爲埽臺及推卷牽制蕪掛之法有用土用石用鐵用草用木用棧用組之方塞河一也有缺口有豁口有龍口缺口者已成川豁口者舊常爲水所

大名府志

卷之十八 藝文

四

豁水退則口下於堤水漲則溢出於口龍口者水之所會自新河入故道之深也此外不能悉書因其用功之次第而就述於其下焉魯常有言水工之功視土工之功爲難中流之功視河濱之功爲難決河口視中流又難北岸之功視南岸爲難用物之效草雖至柔柔能狹水水漬之生泥泥與草力重如錠然維持夾輔纜索之功實多蓋曰魯習知河事故其功之所就如此元之言曰是役也朝廷不惜重費不吝高爵爲民辟害脫脫能體上意不憚焦勞不恤浮議爲國拯民魯能竭其心思智計之巧乘其精神膽氣之

壯不惜劬瘁不畏譏評以報君相知人之明宜書之
使職史氏者有所考證也

黃陵岡塞河記

劉健

弘治二年河徙汴城東北過沁水溢流爲二一自祥
符于家店經蘭陽歸德至徐邳入於淮一自荊隆口
黃陵岡東經曹濮入張秋運河所至壞民田廬且勢
損南北運道天子憂之嘗命官往治時運道尚未損
也六年夏大霖雨河流驟盛而荊隆口一支尤甚遂
決張秋運河東岸併汶水奔注於海由是運道淤涸
漕舟阻絕天子益用爲憂復命都察院副都御史劉
大名府志

卷之十八

藝文

五

大夏治之旣而慮其功不時上也又以總督之柄付
之內官監太監李興平江伯陳銳俾銜命以往三臣
者同心協力以祇奉明詔遂自張秋決口視潰決之
源以西至河南廣武山淤涸之跡以北至臨清衛河
地形旣悉然以時當夏半水勢方盛又漕舟鱗壅口
南因相與議曰治河之道通漕爲急乃於決口西岸
鑿月河三里許屬之舊河以通漕舟漕旣通又相與
議曰黃陵岡在張秋之上而荊隆等口又黃陵岡潰
決之源築塞固有緩急然治水之法不可不先殺其
勢遂鑿滎澤孫家渡口河道七十餘里濬祥符四府

營淤河二十餘里以達淮疏賈魯舊河四十餘里出曹縣梁進口出徐州運河支流旣分水勢漸殺於是乃議築塞諸口其自黃陵岡以上凡地屬河南者悉用河南兵民夫匠卽以其方面分統之大夏往來總督博采羣議晝夜區畫殆忘寢食故官屬夫匠等悉用命築臺捲埽齊心畢力遂獲成功焉初河南諸口之塞惟黃陵岡屢合而屢決爲最難故旣塞之後特築堤三重以護之其高各七丈厚半之又築長堤荊隆口之東西各二百餘里黃陵岡之東西各三百餘里直抵徐州俾河流恒南行故道而下流張秋可無大名府志

卷之十八

藝文

六

潰決之患矣是役也用夫匠以名計五萬八千有奇柴草以束計一千三百萬有奇竹木大小以根計一萬二百有奇鐵生熟以觔計一萬九百有奇麻以觔計三十二萬有奇其興工以弘治甲寅十月而畢以次年二月會張秋以南至徐州工程俱畢興等遂具功完始末以聞天子嘉之特易張秋鎮名爲安平賜臣興祿米歲二十四石加陳銳太保兼太子太傅祿米歲二百石進臣大夏左副都御史理院事及諸方面官屬進秩增俸有差仍從興等請於塞口各賜額立廟以祀水神安平鎮曰顯惠黃陵岡曰昭應已而

又命翰林儒臣各以功完之跡文之碑石昭示永久
臣健以次撰黃陵岡臣惟前代於河之決而塞之若
漢瓠子宋澶濮曹濟之間皆積久而後成功或至臨
塞躬勞萬乘今黃陵岡諸口潰決已歷數年且其勢
洪濶奔放若不可爲而築塞之功顧未盈二時此固
諸臣協心夫匠用命之所致然非我聖天子至德格
天水靈効職及宸斷之明委任之專豈能成功若是
之速哉臣職在文字觀茲惠政誠不可以無紀述謹
摭其事撰次如右且繫之以詩曰中州之水河其最
大龍門砥柱猶未爲害太行旣北平壤是趨奔放潰
大名府志

卷之十八

藝文

七

決遂無寧區粵稽前代築修屢起瓠子官房實肇其
始皇明啟運亦屢有聞安平黃陵奏決紛紜壞我民
廬損我運道帝心憂之成功欲早乃命憲臣乃宏廟
謨諄諄諭戒冀効勤劬功不時復上遣近侍繼以勅
臣俾同往治三臣協力兼采羣謀晝夜焦勞罔或暫
休旣分別支以殺其勢遂遏洪流永堅其閉水由故
道河患斯平運渠無損舟楫通行工畢來聞帝心喜
悅加祿與官恩典昭晰惟茲大役不日告成感召之
由天子聖明化行德布匪直河水萬靈咸附
殊方異域靡不來王以漕以貢億世無疆引治十

年十月某日

河運記畧

馬秉德

衛河發源蘇門之百泉禹貢恒衛既從之衛也自淇門入濬界受淇水流數十里環邑城東北受洹漳至直沽入海每逢夏秋暴漲必潰隄橫流淪沒民田一望無際濬西數十里俱是水鄉民之爲魚鱉爲餓孀爲流離爲饑寒不可勝計皆由隄障卑薄修築不堅之所致也至於河南一省兌糧水次向在小灘則濬邑之下流也河南糧道佟鳳彩條議請遷衛輝府則濬邑之上游也一時督撫河臺衛河分司踏勘河道

大名府志

卷之十八 藝文

八

博採羣議知濬邑之河素多氾濫衝決又有屯子鎮至老鵲嘴地方十八里內皆石溜連綿峰角槎枒橫截河底水僅四尺稍一遇風無不破舟損米關係匪輕當日于小灘兌運者正謂可以順流直下而漕艘無虞也事經三議河南撫院亢據實題奏不便改遷照舊小灘兌運順治十三年奉 旨依議在案矣

澶州頓邱縣重修縣治記

江休復

王在在浚澶爲北門重郭言言洪河渾渾轟爲巨防扼爲要津堤繇役作務莫大焉景德之元皇御戎軒翠華朝臨虜騎宵奔講言終驩行李便蕃賓客供給